

KOBURGER QUACKBRUNNLA

Es get doch nex über  
Die Armseligkeit —  
Wenn es Madla 'n Borsch  
In dn Armena leit.

Ka Werthshaus, ka Bräuhaus,  
Kana Madla sollts ga,  
Dös wär gut für die Seel  
Und fürn Galdbeutl ah.

'S war Aner, dar hot  
Gar ka Madla gemücht:  
In die Höll is'r kumma  
Und Schlegh hot'r krieght.

Mei Vatter hot gsoght:  
Du, sei lustigh! Sobald  
es klana Gald alla is,  
Wachselst da halt.

*Fritz Hofmann*

En annrer lobt en anners Ding,  
Ich will ämol von Kliösne g'sing;  
Un weller hot en guten Mogen,  
Der werd sich, gelä ich, zu mir schlogen.

Brengt ollen die Kartoffeln her!  
Sie däffen gruß g'sei schont un schwer,  
Un reibt se in die Schüssel z'samme,  
So stenn die Kliös bald an der Flamme.

Viel Bröckle müßen innig g'sei,  
Süst werd's ä Matsch un Kinnlesbrei;  
Ich hör' im Hofen schon die Schnalzer,  
Es hoppert wien ä Kirwewalzer.

Un wiste Kliös von wässe Mahl,  
So söll's an söttne a nöt g'fahl;  
Die ka ärst racht gekoch mei Madla,  
Sie läfft as wien ä Spuln am Radla.

Un wos ze Mittog über bleit,  
Dös sicht mer, wie mer's Abends schneidt:  
Mit Flintenstee stärkt mer die Glieder,  
Un legt sich gottzefrieden nieder.

Äsu ä Klos macht halt ä Freed,  
Mer weiß necks merr von Angst un Leed;  
Drüm loß ich annern öll ihr Prassen,  
Un lob mer halt dös Frankenassen.

*Anonym. Aus Tambach (Koburger Land)*